

**Հ Ա Շ Վ Ե Տ Վ Ո Ւ Թ Յ Ո Ւ Ն**

**ՀՀ ԱՆ պրոբացիայի ծառայության 2019թ-ի ընթացքում իրականացրած գործունեության վերաբերյալ**

ՀՀ ԱՆ պրոբացիայի ծառայությունը բաղկացած է 11 տարածքային մարմիններից, որոնք գործում են Հայաստանի Հանրապետության մարզերում /թվով 10/ և Երևան քաղաքում: Մարզային բաժիններն ունեն 27 նստավայր:

Պրոբացիայի ծառայությունն իրականացնում է ազատությունից զրկելու հետ չկապված քրեական պատիժներ՝ տուգանքը, որոշակի պաշտոններ զբաղեցնելու կամ որոշակի գործունեությամբ զբաղվելու իրավունքից զրկելը, հանրային աշխատանքները, իրականացնում է վերահսկողություն պատժից պայմանական վաղաժամկետ ազատված, պատիժը պայմանականորեն չկիրառված և հղի կանանց կամ մինչև 3 տարեկան երեխա ունեցող կամ այլ հիմքերով պատիժը հետաձգված անձանց նկատմամբ, ինչպես նաև կազմում և ՀՀ ԱՆ քրեակատարողական հիմնարկներին ներկայացնում է զեկույցներ պատիժը կրելուց պայմանական վաղաժամկետ ազատելու, պատժի չկրած մասն ավելի մեղմ պատժատեսակով փոխարինելու վերաբերյալ:

Ծառայությունում 2019թ-ի ընթացքում գրանցվել են հետևյալ քանակությամբ պատիժներ և վերահսկողություններ, զեկույցներ՝

	Պատիժների և վերահսկողությունների տեսակները և քանակները							Ընդամենը
	Տուգանք	Որոշակի պաշտոններ	Հանրային աշխատանք	Պատիժը պայմ. չկիրառել	Վարքի վերահսկ.	Պատժից պ/վ ազատել	Պատժի հետաձգում	
2018թ.-ից փոխանցված	511	298	178	1278	3	40	12	2320
2019թ.-ին ստացված	372	149	36	374	2	217	1	1151
Ընդամենը	883	447	214	1652	5	257	13	3471

Զեկույցներ	
2018թ.-ից . փոխանցված	498
2019թ.-ին . ստացված	531
Ընդամենը	1029

Ծառայությունում 2019թ-ի ընթացքում հաշվառվել է 3320 շահառու, որոնցից 242-ը կանայք են, 34-ը՝ անչափահաս, իսկ 26-ը՝ օտարերկրյա քաղաքացիներ: Նրանց նկատմամբ նշանակվել է 1544 պատիժ և 1927 վերահսկողություն, ընդ որում 151 շահառու ունի կրկնակի պատիժ կամ վերահսկողություն:

«ԱՆ քրեակատարողական հիմնարկներից ստացվել է զեկույց տրամադրելու վերաբերյալ 1029 ծանուցում, որոնցից 35-ը կանայք են:

Ծառայությունում 2019թ-ի ընթացքում ավարտվել և արխիվացվել է 2147 անձնական գործ, որից 255 զեկույց, ընթացքի մեջ է 2202 անձնական գործ, որից 773՝ զեկույց:

**1. Տուգանք.** 883 շահառուի նկատմամբ նշանակված տուգանք պատժատեսակի ընդհանուր գումարը կազմում է 361.057.950 «Ա» դրամ, որից 170 տուգանքը փաստացի կատարվել է, փաստացի գանձված գումարը կազմում է 60.013.800 «Ա» դրամ, իսկ մասնակի գանձվել է 12.510.500 «Ա» դրամ, ընդհանուրը 72.524.300 «Ա» դրամ:

883 տուգանք պատժից 76-ը նշանակվել է կանանց, 1-ը՝ անչափահասի, իսկ 5-ը՝ օտարերկրյա քաղաքացիների նկատմամբ:

383 տուգանք գտնվում է կատարման փուլում, որոնց գումարը կազմում է 146.725.550 «Ա» դրամ, 3 տուգանքի կատարումը կասեցվել է, որոնց գումարը կազմում է 1.700.000 «Ա» դրամ (բողոքարկված է), 37 շահառուի մոտ տուգանքի կատարումը դադարեցվել է նոր հանցանք կատարելու փաստով (կալանավորվել են), ընդհանուր գումարը՝ 17.984.000 «Ա» դրամ, 266 տուգանք կարճվել է, որոնց չվճարված գումարը կազմում է 110.684.100 «Ա» դրամ ( 5-ը մահ, 27-ը վաղեմություն, 234-ը համաներում ):

Տուգանքի դատապարտված 7 անձ համարվում են առաջին կամ երկրորդ խմբի հաշմանդամ, 4-ը գտնվում են զինվորական ծառայության մեջ, 7-ը կենսաթոշակային տարիքի են, 39-ը գտնվում են հետախուզման մեջ:

**2. Հանրային աշխատանքներ.** Հաշվետու ժամանակաշրջանում հանրային աշխատանքների ձևով պատիժ է նշանակվել 214 շահառուի նկատմամբ:

Հանրային աշխատանքներ պատժատեսակի իրականացումն ապահովելու և այն առավել հանրօգուտ դարձնելու նպատակով Պրոբացիայի ծառայության բաժինները համագործակցում են պետական և տեղական ինքնակառավարման մարմինների, առևտրային և ոչ առևտրային կազմակերպությունների հետ, որոնց հետ կնքվում են պայմանագրեր, հետագա գործընթացը կազմակերպելու նպատակով:

77 անձնական գործ գտնվում է ընթացքի մեջ, որոնցից ներկայումս աշխատում են 23-ը, 21-ի վերաբերյալ կնքվում են պայմանագրեր, իսկ 33-ը չեն աշխատում (11-ը՝ հետախուզում, 9 -ի վերաբերյալ ներկայացվել է պատիժը փոխարինելու վերաբերյալ միջնորդություն, 10-ը բողոքարկվել է վերաքննիչ դատարան, 3-ի պատիժը ընդհատված է), 30 հանրային աշխատանքներ փաստացի կատարվել են, 46-ի պատիժը կասեցվել է (46-ը գտնվում են ազատազրկման մեջ), 41-ի պատիժը կարճվել է (3-ը՝ մահ, 1-ը՝ դատարանի որոշմամբ, 35-ը՝ համաներում, 2-ը՝ վաղեմություն), 10 շահառուի պատիժը դադարեցվել է նոր հանցանք կատարելու փաստով (կալանավորվել են), 10 շահառուի

նկատմամբ նշանակված հանրային աշխատանքները բաժնի միջնորդության հիման վրա փոխարինվել են ազատագրվմամբ:

214 հանրային աշխատանքներ պատժատեսակից 8-ը նշանակվել է կանանց նկատմամբ իսկ 1-ը օտարերկրյա քաղաքացիների նկատմամբ:

### **3. Որոշակի պաշտոններ զբաղեցնելու կամ որոշակի գործունեությամբ զբաղվելու իրավունքից զրկելը.**

Որոշակի պաշտոններ զբաղեցնելու կամ որոշակի գործունեությամբ զբաղվելու իրավունքից զրկելու ձևով պատիժ կրող շահառուների թիվը կազմում է 447, որոնցից 275-ի գործերը գտնվում են ընթացքի մեջ, հաշվառումից հանվել են 164 շահառու՝ պատիժը փաստացի կատարելու հիմքով, 3-ը կասեցված է դատարանի որոշմամբ, 3-ի անձնական գործ կարճվել է՝ 2-ը շահառուի մահվան հիմքով, իսկ 1-ի նկատմամբ կիրառվել է համաներում, որպես հիմնական պատիժ:

447 որոշակի պաշտոններ զբաղեցնելու կամ որոշակի գործունեությամբ զբաղվելու իրավունքից զրկելու ձևով պատժից 41-ը նշանակվել են կանանց նկատմամբ, իսկ 4-ը օտարերկրյա քաղաքացիների նկատմամբ:

447 որոշակի պաշտոններ զբաղեցնելու կամ որոշակի գործունեությամբ զբաղվելու իրավունքից զրկելու ձևով պատժից 296-ը վերաբերում են տրանսպորտային միջոցներ վարելու իրավունքից զրկելուն, իսկ 151-ը՝ այլ գործունեությունից:

### **4. Վերահսկողություններ.**

- **պատիժը պայմանականորեն չի կիրառվել և սահմանվել է փորձաշրջան 1652** շահառուի նկատմամբ, որոնցից ընթացքի մեջ են 470-ը, 257-ի նկատմամբ սահմանված փորձաշրջանի ժամկետը փաստացի ավարտվել է, 888-ի փորձաշրջանը կարճվել է (2-ը՝ նոր դատավճիռ, 5-ը՝ մահվան հիմքով, 46-ը՝ օրենքի փոփոխությամբ, 835-ը՝ համաներմամբ), 18-ի նկատմամբ փորձաշրջանը դադարեցվել է նոր հանցանք կատարելու հիմքով (կալանավորվել են), 6-ի փորձաշրջանը վերացվել է բաժնի միջնորդության հիման վրա:

1652 փորձաշրջանից 129-ը նշանակվել են կանանց, 27-ը՝ անչափահասների, իսկ 8-ը՝ օտարերկրյա քաղաքացիների նկատմամբ:

Փորձաշրջանի մեջ գտնվող 14 շահառու զորակոչվել է պարտադիր զինվորական ծառայության, իսկ 35 շահառուի անձնական գործերը ստացվել են ՀՀ ՊՆ տարբեր զորամասերից:

Վերահսկողությունից խուսափող 27 շահառու գտնվում է հետախուզման մեջ:

- Ծառայությունում հաշվառված 5 անչափահասի նկատմամբ քրեական հետապնդումը դադարեցվել է, կիրառվել է **դաստիարակչական բնույթի հարկադրանքի միջոց:**
- **Ազատագրվման ձևով նշանակված պատժի կրումից պայմանական վաղաժամկետ ազատված** դատապարտյալներից պրոբացիայի ծառայությունում,

ըստ ստացված որոշումների, հաշվառվել է 257 շահառու, որոնցից 146-ի նկատմամբ վերահսկողությունն ընթացքի մեջ է, 68-ը՝ փաստացի ավարտվել է, իսկ 2 շահառուի նկատմամբ վերահսկողությունը դադարեցվել է նոր հանցանք կատարելու փաստի հիման վրա (կալանավորվել են), 1-ի վերահսկողությունը կարճվել է մահվան հիմքով, 37 շահառուի նկատմամբ կիրառվել է համաներում և նրանց նկատմամբ վերահսկողությունը դադարեցվել է, 1-ի պատժից պայմանականորեն վաղաժամկետ ազատելը վերացվել է բաժնի միջնորդության հիման վրա և կիրառվել է ազատազրկում, իսկ մեկ օտարերկրյա քաղաքացու վերաբերյալ ստացված որոշումը փոխանցվել է ԻԻՀ՝ ըստ բնակության վայրի վերահսկողություն իրականացնելու նպատակով:

Պատժից պայմանական վաղաժամկետ ազատվածներից 255-ը տղամարդ են, 10-ը՝ կին, տղամարդկանցից 2-ը հանդիսանում են օտարերկրյա քաղաքացիներ:

- Պրորբացիայի ծառայությունում հաշվառված են **պատժի կրումը հետաձգված** 13 շահառու, որոնցից 12-ի պատիժը հետաձգված է հիվանդության պատճառով, 1-ը ունի խնամքին մինչև 3 տարեկան երեխա:

Պատժի կրումը հետաձգված 9 շահառուի նկատմամբ վերահսկողությունը կարճվել է՝ 1-ը վաղեմության հիմքով 1-ի պատժի հետաձգումը վերացվել է և կիրառվել է ազատազրկում, իսկ 7 շահառուի նկատմամբ կիրառվել է համաներում:

Պատժի կրումը հետաձգված 13 շահառուից 11-ը տղամարդ են, 2-ը կին, իսկ 1-ը հանդիսանում է օտարերկրյա քաղաքացի և գտնվում է հետախուզման մեջ:

## 5. Չեկույց

Պատիժը կրելուց պայմանական վաղաժամկետ ազատելու, պատժի չկրած մասն ավելի մեղմ պատժատեսակով փոխարինելու վերաբերյալ զեկույցներ տրամադրելու վերաբերյալ 1138 անձնական գործերից, 531 ծանուցումները ստացվել է 2019թ-ի ընթացքում:

2019 թվականի ընթացքում կազմվել և ՀՀ ԱՆ քրեակատարողական հիմնարկներին է տրամադրվել 1048 զեկույց, որից 235-ը՝ դրական, 813-ը՝ բացասական: